

四庫全書

集部

欽定四庫全書

集部

文簡集卷二十四

詳校官中書_臣葉元符

中書_臣劉源溥覆勘

總校官原任中允_臣王燕緒

校對官修撰_臣戴衢亨

謄錄監生_臣唐作梅

欽定四庫全書

文簡集卷二十四

明 孫承恩 撰

七言律詩

恭和聖製朝泛金海詩二首

禁苑晴波化日舒
南薰披拂颭荷蕖
遊歌不替寅恭念
茂對聊乘宵旰餘
聖孝拳拳思色笑
道機潑潑契鳬魚
敬陳天保無疆頌
永荷皇仁萬國娛

澄湖萬頃練平舒紫葍青蘋錯錦蕖上苑祥光聯日下
南山佳氣霽晴餘欣聞鳳吹衝林鳥驚覩龍顏躍渚魚
大孝允惟懷罔極小臣何以佐宸娛

和桂翁雪夜中三首

六出飛來撲繡鞍凌兢馬足傍危欄望中銀海微茫遠
畫裏瓊樓扇扇寒萬象無聲浮灝氣百神有勅護靈壇
燮調元老多休暇時賦陽春與衆看

讀者謂此日也非
夜也再賦一首

瑞雪光中據馬鞍銀橋徐度歷斜欄即看玉宇生虛白

似坐冰壺徹夜寒瑤燭烟分三寶界瓊花綵積萬靈壇

蓬萊天上身難到錯擬明朝得遍看

讀者謂此自作非和也再賦一首

玄冥作雪來蓬苑立馬宵分傍石欄銀色界中生閒寂
玉清境裡肅高寒即多瑞靄浮金殿似聽仙韶度石壇
不是元臣身密邇天家風景許誰看

再疊前三韻各一首

喜聽吾皇早視朝金門鑰啓玉衡高陽和初動消寒律
瑞雪時來點曙袍鳳吹聲還隨近遠獸爐烟不動纖毫

元臣經國渾餘事更出瓊葩壓俊髦

元日元朝紀正元千官朝拱九重尊曙光微映蒼龍闕
晴旭徐昇彩鳳門湛露恩波來禁苑泰階星耀接微垣
小臣叨從羣公後慙戴皇乾履厚坤

六出皚皚粉作團狂飛深積欲平欄鴛鴦並隱渾無迹
鳩鵲高棲獨耐寒寶樹殿前翻素蓋綠花樓外矗瑤壇
漏催銀箭傳難到人在蓬壺立馬看

和松臯太宰元夕宴會三首

燈光月色爛盈門舊德羣公喜接援帝里九衢當此夕
人間三節屬初元才高白雪閒題句漏促銅壺細倒尊
清賞叨逢欣盛世瑞星遙見映薇垣

疎慵曾託李膺門此日欣承上宰援共仰銓衡歌襲美
敢因鼎鉉祝調元魏公垂晚功尤著司馬重來道益尊
三十年前修吏手載將彤筆赴台垣

輶車乍息入都門

予奉使初歸

誼辱銓卿特見援已叨文飲

陪諸老况直佳辰屆上元明月照簾翻舞袖清歌按節

緩芳尊却思當日咨詢處
愁劇逢人說塞垣

借韻贈桂老

元臣舊德冠中朝
一代聲華北斗高
漢閣重登端揆席
堯恩三錫拜宮袍
共傳風雅書元會
快覩風烟染素毫
石室編摩應有待
佇承條教式羣髦

壽桂翁閣老次石翁韻

謨陳北闕金為鑑
壽祝南山玉作卮
一德共瞻難老日
百年恭際盛明時
臣隣績擬夔龍匹
風雅壇推李杜師

怪底斗南騰瑞氣奎星昨夜降瑤池

借韻贈桂翁介翁二老

幾年江海停雲思此日巖廊祝壽卮
周召自臻平格理臯夔正是協恭時
共言朝署欽明德況值王儲喜得師
贊佐時幾多暇豫佇承台製頌龍池

次桂翁東閣讀卷韻三首

熙朝盛典恢文治旭日綸音下大庭
一代甄陶資揆席百年禮樂重春卿
堯天快覩奎辰麗禹甸欣逢海岱清

帝眷聖明純祐命故教賢傑應時生

制策傳聞隆漢典敷言先自重虞庭聖君訪道登羣彥
廣閣論文聚列卿遲日送光當檻近條風吹暖入簾清
太平無象難為頌惟見龍樓瑞氣生

千年禮樂開昌運百辟衣冠侍禁庭華蓋春深垂帝問
丹霄晝接近孤卿共傳雲瑞中天見且喜台光午夜清
媿我疎慵叨盛典祗將忠孝勵諸生

宿禮部借韻一首

寓榻南宮憶舊曾仰瞻華月步虛庭祇將校閱供王事
媿以疎庸廁列卿銀箭聲傳春漏促銅爐風細篆烟清
勞勞無補空頭白七載重過感慨生

院中觀蓮四首次少詹黃太泉韻

名花旗旒入秋多賞興休教錯莫過自是靈根分太液
祇疑淨質洗銀河玉京絳節承仙宴洛浦霓裳濕素波
惜取幽香思採掇西風吹汝奈如何

金塘石檻禁廬東喜見芙蓉出水紅香遠澹浮塵界外

睡深嬌倚月華中霞幃冉冉採珠露翠葆重重障晚風
靜翫了無塵俗念恍疑身在水晶宮

若耶仙子下丹丘笑倚寒漪淨不流沆瀣和香澄玉宇
星河亂影轉瓊樓六銖荏苒涼輕沁萬玉玲瓏翠欲浮
迢遞夢魂何處所商飈吹老五湖秋

誰種名花近玉堂地靈物異發祥光風披白日翻瓊蓋
露冷青冥浥絳裳浪說齊宮曾擬步不須漢署別焚香
閒來吟眺渾忘倦葛苒飈生暮涼

送徐望湖奉使南還吳中

季方才譽擬元方
盛世賢科爾擅良
黃閣久懸霖雨望
錦衣爭羨姓名香
斗邊銀漢仙槎遠
日下彤庭別思長
王事有程那滯得
秋堂夜雨待聯床

送京判張文洲致政還松

季鷹高致衆稱賢
此日蓴鱸味正鮮
世事無期誰盡得
浮榮勘破祇須憐
筇扶花逕尋詩去
簾捲山齋看雨眠
老我挂冠何日是
送君南望獨淒然

故園脩竹日在目
中家人來都下
問以詩五首

園中舊竹千餘箇
榮悴新來近
若何愁聞歲晚冰霜厲
去冬寒甚尚欠春深雨
澤多有無
老宿叅禪至
幾見高人載

酒過塵土汨人三二載
佇思歸日蔭婆娑

園中竹影常嫌薄
水北曾教添植之
莫為速成移本雜
只愁過牘誤栽時
畬田須計棲牛室
祿賜堪為結屋貲
乞得聖恩許歸去
衰慵應慰素心期

故園脩竹近何如
屋後篋簷百數餘
雨洗翠帘當曲徑

風飄香雪落殘書，莫將稚笋堪清供。
况可頑童斫釣魚，縱適敢希唐士達。
賦歸或似漢時疏。

一圃新除五畝寬，更栽脩竹百千竿。
杏桃不負春陽媚，冰雪須留晚節看。
莫信砵來辰日好，古詩竹須辰日砵要知培

過上畚難

杜笋待上畚成

會開南北深深徑，來往溪橋策杖看。

竹也平生最愛之，草堂分植更添奇。
隔溪已教重開徑，力壅還愁或後時。
要使連雲移巨本，可無向日挺高枝。
鷓鴣烟裡春深候，擬趁幽人賦綠漪。

寄贈張石憲大尹

憶昨文場識俊英，五茸出宰看君行。
編氓久習循良政，老我能無桑梓情。
共說姚崇春有脚，懸知子產頌將成。
憑誰試上高城望，萬里天空月正明。

和許龍石同年會詩三首

宦途三十七年過，回首今看第幾科。
歲月浪從忙裏去，交情偏覺暮年多。
踈慵老我真何補，勛業羣公自不磨。
勝會弗常欣此夕，狂歌聊用慰蹉跎。

聯翩歲月幾經過尚憶先皇第二科契闊驚心兄弟少
風花轉眼變更多已看世務俱成幻獨有交情不易磨
慙負清時無寸補敢因日暮嘆蹉跎

從前歲月等虛過此夕傳杯話昔科不訝萍蓬飄轉易
獨嗟兄弟似離多鬢毛莫計紛如雪意氣須教老不磨
龜勉及時期報主只今吾已媿蹉跎

和艮所留別韻

久別風標喜再瞻客齋話對雨廉纖高懷自喜清閒勝

輿論同嗟歲月淹會有徵書還榮節且將行色冒寒巖
陽春已是難為和况復新章韻更嚴

和答王舜欽送別詩韻二首

吾道都來出處間清朝敢謂直躬難衰慵病每患丹餌
猿鹿心惟戀故山天詔寵臨愁莫避冥鴻飛去羨難扳
何當懇乞終投隱日與溪翁野老班

野性從來水石間仕途祇覺病軀難种放誤教徵北闕
謝安自合卧東山白髮愁予增感慨丹崖無路可躋扳

吾人出處原無定巢許伊周若是班

七夕舟中二首

又報天孫渡鵲橋
銀河清淺路迢迢
剩將歡聚勤渠意
一慰佳期歲月遙
翕散千年誰識測
神光午夜記飄搖
却思小院當年夜
坐看長空月暈消

靈鵲何年疊作橋
橋橫銀漢望迢迢
須知終古常相偶
便隔經年未是遙
雲旆曉分天漠漠
星軺風汨影搖搖
乾坤此事終茫昧
質向巫咸惑未消

大叅沈鳳峰進表事竣言還次少湖韻致別意
客懷何處向人論除却君親孰是恩滿眼交遊嗟我老
到頭名姓幾人存朝天已罄南山祝定省行稱北海尊
忠孝羨君今日事不堪揮袂別都門

僕衰年病體復來都下情興可知再用韻一首
并呈鳳峰一笑

向來心事得同論去住誰非荷聖恩老我慙隨英俊後
憐君獨見故交存風塵宦海嗟萍迹笋蕨茅堂憶舊尊

執手臨歧意無限為君離思到家門

庚戌仲夏予赴召北上石川張子餞於江許同
舟至金山別去頃復寄予以詩草草依韻附

謝二首

扁舟憶昨滄江上遠餞多公契誼真共惜才賢猶野渡
獨慙淺薄濫朝紳百年未了君親願一事無成老病身
欲和陽春抒報謝莫宣勤懇重逡巡

江舟話別年驚換驛騎傳書意更真老我與時終杳鑿

病軀何日謝冠紳，千篇不盡山遊興。
百歲誰拘物外身，有待金焦從笑傲。
留連杯酌不論巡，石川有金焦同往筇之句

昨賦寄謝石川銀臺二律，誤傳司寇顧若翁吟。

几辱和贈草草奉答

慕蘭從來荆識新，不嫌疎率諒予真。
公才自合當經濟，老我寧堪束佩紳。
泉石每牽歸隱興，鶯花偏笑苦吟身。
追陪何日容傾倒，較了詩聯較酒巡。

宿德還欽藻思新，大篇短詠盡天真。

曾讀翁歸田詩選

獨將巨

手匡時政共仰清標式縉紳北闕風雲增逸氣東吳山水鑄元身獨慚淺薄門牆遠領教無由月幾巡

和答龍田次石川詩韻見贈二首

徵書昨起來京國老況鄉愁意總真只可茅堂時聽雨

小園有聽雨軒

那堪楓陛更拖紳故園松菊應無恙宦海風波

幾脫身乞得君恩賜歸隱湖山佳處日登巡

斯文宦邸笑言親每說吳興想像真千古峴山青潑黛
四時茗水碧紆紳篇章妙發風雲思歲月聊需道義身

有約石川同子踐金焦我是第三巡

子遊金焦昔已二次矣并後為三

歸田和答吳石湖

辛苦平生報主身不堪老病疏歸頻
酬恩未有涓埃補
賜允兼蒙德意新
世味已拋莊蝶夢
故園猶及乳鶯春
殘生畎畝無餘事
擊壤康衢祝聖人

抵家值海寇作禍遣懷簡石湖

老去歸來百靡求
一犁准擬事西疇
清朝策杖聞聞鳥
向夕呼童飽飯牛
散適祗堪元亮卧
亂離翻得杜陵愁

百年樂土烽烟遍何處深山可暫遊

張石川書來約會杭城議共遠遊

故人約我事清遊茲興年來百不留曾欲天台觀瀑布
遂登廬嶽訪浮丘枯筇短屐三高墓明月清風八詠樓
屈子子長非我事一區何處不夷猶

閒居述懷

老去田園是素心歸來偏愛草堂深隔林啼鳥關清興
匝徑脩篁生晝陰病體尚須勤藥食閒居時復解冠襟

優游豈敢忘君德况復延賓有賜金

慰三女并示甥大道

老去兒孫念轉親孤嫠貧苦愛尤真蜂糧自可供餘歲
蟻穴猶能庇此身卜築且教堪止息拮据寧為惜心神
萬間大庇何為者觸事寧無感慨頻

贈馬鶴沙竹拄杖二首

我已衰慵合杖時年高子杖復何疑

鶴沙長予四歲

向平山水

應難續彭澤郊疇尚可追採藥遠村連近塢尋詩西崦

復東籬冰霜亦未全渠仗自有諸孫善護持

淇竹遺君五尺強瑩然員澤更貞良古藜曾記來天祿
靈壽無誇出建章叩脰獨昭千古訓掛錢何用一生狂

葛陂故事將無有髻鬣依然合慎防

竹根具在故云

錄詩與王存齋代柬

老去篇章日厭思多君命錄荷君私榮華過眼空成夢
出處關心敢自欺長日小窻時點染清秋燈火幾唔咿
不堪悲几塵君筭料得床頭覆瓿宜

讀兒姪除夕和章喜賦

歲事匆匆又適新團圞此夕話酸辛承傳喜見成三世
骨肉算來能幾人率爾不嫌吾句拙廢章總見汝情真
寧思異日追思切一讀吾先一愴神

季秋廿八日與馮南江諸公飲張鶴仙宅二首

有約來過仲景家東風舊院寂無譁清談得與三賢共
曲檻還餘數朶花世故驚心空有涕乾坤回首莽無涯
傳盃不盡東君意早見城頭集暮鴉

喜共高賢接笑歌何須長袖舞傿傿眼前局面更張易
意外真詮感悟多老驥忘心悲棧道冥鴻何處罣虞羅
獨嗟衰謝流光速無計能迴東逝波

和沈鳳峰閒居述懷四首

端居茅屋日常閒獨看雲霄倦鳥還解組悔當遲數歲
移家恨不住深山詩哦大雅如承面門擁清風只自關
不用長生羨蓬島神仙元只在人間

匝合檐花柳拂溪小窻濃霧入沾衣間關並坐交枝穩

潑刺時穿密藻依經濟已非今日事衰慵深媿素心違
惟將出處求無悔敢謂微長贖百非

避寇從前此卜居草玄亭子卧龍廬孱軀未得添新健
病眼時能閱舊書尚有鄉閭推齒德未應踪跡混樵漁
客轅不到門常閉老嬾將迎本自疎

散適田園不繫身乾坤無已一陳人愁逢秋晚愁偏劇
愛到孫曾愛轉親北斗太山還夙仰清風明月是佳賓
幽居養得心恬靜不着人間半點塵

題董子元紫岡草堂

沙痕海迹見崇岡岡上幽人結草堂
浦響候潮喧枕席門高喬木帶風霜
庭階舊識乘驄至宅里今看表鳳翔
莫怪詩書流澤遠直從汴宋沂源長

寫懷和答何柘湖二首

夢想無緣到帝京藥爐茶灶對來清
病餘久謝文章債老去難忘兒女情
北澗支筇看逝水東郊把醖聽流鶯
雲山泉壑非無興其奈時艱畏出城

宦達愁聞說上京茅齋贏得夢魂清山人習靜教調氣
衲子談空苦廢情狂死劉伶常荷鍾開來戴老去聽鶯
兼旬陰雨無聊甚莫怪經春不出城

用韻贈柘湖

作賦聲華擬二京風標冰雪照人清共推道氣超時彥
肯把襟期混世情鍾阜有雲堪拄笏楊園無樹不啼鶯
想應獨對長干月多少清光滿鳳城

文簡集卷二十四

欽定四庫全書

文簡集卷二十五

明 孫承恩 撰

七言絕句

秋江獨釣圖

木落天空秋氣高一江涼吹鬢蕭騷等閒未試屠龍技
漫把漁竿學釣鰲

諸葛武侯像

崎嶇百戰割山河天命其如已去何萬古不消忠義氣
至今凜凜壓岷峨

題便面三首

濕雲狼籍水悠悠茅屋人家竹樹幽野鳥不知緣底急
飛先漁艇過溪頭

乞得君王小鏡湖扁舟同載只奚奴年來自信機心絕
底事驚開水面鳬

四山屏立水微茫恰與三人共一航惆悵鷓鴣夷呼不起

自敲漁榜答滄浪

題畫水仙

凌波塵襪恐非真
今古傳聞解珮人
惆悵仙魂招不得
蕊珠宮裡自秋春

擬宮詞

一別羊車歲月深
幾番花下立沉沉
近來宵旰多無暇
枉費長門買賦金

題小畫

江頭凍雲宿不捲薄暝寒霧迷前津草閣淪茗坐無夜
恐有扁舟乘興人

潯陽圖

一曲琵琶月下過淒涼心事欲如何江州不是遭讒日
未必關心獨淚多

瀛洲圖

西閣宏開列俊髦百年文運此時遭坑焚試看秦天子
容易乾坤屬漢朝

送竹本與楊季玉二首

廿年前與此君盟春雨龍孫逐隊生我已從來飽風味
為君邀致草玄亭

知君雅意亦隣渠判盡芳菲總不如從此清風數竿足
子雲亭作子猷居

秋閨怨

羅襪輕移下玉除木犀花下立躊躇西風日有南來鴈
不見平安一札書

昭君怨二首

聞說中朝喪貳師安邊寧有嫁蛾眉妾今遠嫁何須計
可惜君王損國威

掩泣臨行致一言妾身萬死不須憐聖朝不殺毛延壽
還有奸人學蔽賢

釣臺詩次韻

脫屣功名把一竿羊裘曾動客星寒雲臺寂寞今何在
萬古嵯峨只釣灘

曹十峰便面和韻二首

扁舟江上暮潮平
白露橫空鶴鶴鳴
為問行歌都市客
風塵能得似君清

頰仰乾坤笑屈平
無端江上自悲鳴
扁舟隨處堪容與
便是求魚也自清

題便面次顧東江韻二首

幽人結屋江之湄
占斷清風無少時
何日扁舟成獨造
為君重和考槃詩

艤棹和風江竹湄晚潮作雨欲來時白雲堆裡看山坐
何處乾坤不屬詩

同張石磐侍御遊沈氏山庄三首

短棹追遊坐日間欽岑佳處亦躋攀探奇覓勝真成癖
纔了觀湖又到山

觀水觀山事亦清却於來往太勞生我欲攜之置湖上
幻出君山看洞庭

海上移來小朶雲清虛不着世間氛何當少借三年住

洞裡吹簫日共君

偶作三首

高眠不喜出門前
偶出多因俗事牽
一笑今朝羞失脚
固知終是不如眠

貧來甌裡欲生塵
說與旁人肯信君
浩笑不須成戚戚
壠頭禾黍漸堆雲

生平不解倩東風
盡道東風着意濃
今日到來成一笑
東風原是不如儂

春日睡起偶書二首

柳搖東風綠芽吐
百舌調聲日當午
鳥飛不盡碧天長
青山缺處雲來補

青山不礙草堂雲
雲裡書聲隔戶聞
最喜前溪流水闊
門前鷗鷺日成羣

舟中聞時事有感五首

江湖廊廟自區區
稽首皇猷軼有虞
此夕忽驚傳邸報
無眠終夜只長吁

明庭抗論意彌堅只分微軀畢九泉篤信亦知成底事
却尤前哲誤諸賢

即使程朱今復生也須舊說一番更若還究竟崑崙頂
姬孔明明有法程

百年後死痛無涯地下寧追執論差雲暗九疑天路杳
欲從何處訴重華

一燈幽燄照蓬窻吾道從違孰主張獨起披衣夜中坐
靜聽疎雨落寒江

珠涇睡覺口號

紛紛餞別醉深杯忘却離愁笑口開
夜半睡魂和酒醒
一時依舊上心來

行六橋堤

萬頃秋光一岼分
芰荷香裡踏斜曛
周遭矗矗羣峰合
半是青山半是雲

江行口號

遠水微波簇細紋
亂帆高下挂斜曛
江邊牢落居人少

一帶青山映白雲

夢家

環玉溪邊風日晴
千花萬花相間明
笑倚慈闈獻春酒
不知身在贛州城

曲江舟中

昔從故國瞻梅嶺
望杳天南欲斷腸
今日曲江試回首
只將梅嶺認家鄉

舟中漫興二首

欽定四庫全書

平生酷有耽山癖，恨不移家住近山。
萬里茲行差慰意，看山去了看山還。

萬里天南泛使槎，不堪鄉思亂如麻。
夢魂不為青山隔，昨夜分明又到家。

舟中夜坐

山頭斗柄掛寒芒，烟水浮空正渺茫。
坐久不知江月落，滿身風露濕衣裳。

夢得家信

欲見家書苦未因夢中昨夜寄來新
朦朧別語渾忘却
兩字平安看最真

歸次嘉興喜兒姪來候二首

無限離愁未易裁今朝不覺笑顏開
春風江上孤舟近
烏帽青衫見汝來

何事今朝散客愁阿咸兄弟候歸舟
驚看忽忽無他問
白髮慈親健在不

早春同友人閒行因過太清道院

乘閒聊復作閒人竹杖芒鞋趁早春林下水邊時縱步
絕勝都市踏紅塵

過太清道院有感

并引

往歲曾為錢羽士集環翠樓冊羽士下世既
久而卷中作者亦多不存覽之悵然

竹樓曾為習詩章卷裡猶看墨色光作者主人半零落
空餘蒼翠拂雲長

諸友有和復得三首

天將清景付幽人
合寫新詩報答春
殘雪壓梅渾有態
暖風吹草不生塵

洞口春陰長綠苔
雲關斜傍竹林開
城中車馬人如沸
誰似先生肯獨來

續得淮南招隱章
幽懷抵死惜春光
經旬不出郊原步
綠草相將葉漸長

再疊三首

乾坤誰是百年人
莫為閒愁枉却春
試看昔人行樂處

荒臺無地積秋塵

烟暗園林雨沒苔
春愁如織鬱難開
不將幽意偷尋樂
容易霜華上鬢來

綵筆聊拈賦短章
朝來微雨洗年光
山花一樹草堂靜
啼鳥數聲春意長

竹亭納涼二首

茗椀爐薰枕簟清
竹陰亭子嫩涼生
城中滾滾紅塵滿
猶有忙人暴日行

幽亭無地着塵囂縱有塵心亦自消何處有聲清到耳
天風吹動萬瓊瑤

題紅梅二首

冷艷清香自一家冰肌誰與傅丹砂試看標格依然在
未信人疑作杏花

姑射仙人朝玉皇玉皇勅賜九霞觴冰姿殢酒吹難醒
猶自風前倚絳粧

又賦紅梅二首

獨占春風領衆芳，薄寒初試絳羅裳。
東皇似是嫌清淡，故與慇懃贈艷妝。

疎影橫斜淡月明，珊瑚枝上晚風清。
羅浮一覺遊仙夢，吹入天台不再醒。

尋春

莫怪尋春意欲顛，水邊林下輒留連。
等閒別却東風去，欲識東風又隔年。

題飛鳴宿食四鴈圖

片影橫拖水國涼一聲清暖水天長
衡陽夢穩無矰弋
霜老菰蒲米正香

春晚遊招提

尋春野寺又春回賴有餘芳數朶開
錯莫更教遲一日
縱能攜酒亦空來

春歸

中酒朝來睡起遲殘英飛盡只空枝
東君昨夜欺人醉
收拾春歸不教知

田家

霖霖朝來浥衆芳
晚烟吹暝轉微茫
隣家老父來相約
明日田頭好蒔秧

曉起池上獨立

露華月色滿西池
睡起闌干獨倚時
一陣荷風拂衣袂
盡收清氣入詩脾

勉友仁姪孫

入道功夫豈有涯
西飛白日苦難遮
一春又是聯翩過

試看東園桃杏花

風雨池上小憩

風雨來時獨倚欄
綠荷池上蹠微瀾
試看瑟瑟蕭蕭處
無數明珠走翠盤

紀夢

幽齋昨夜夢朝天
丹陛徐趨進講編
何處鐘聲忽驚醒
錯疑猶在御爐前

夷齊圖二首

炮烙烟消四海蘇
文孫威德已弘敷
鉅橋雖有陳陳粟
不濟空山兩餓夫

孤竹先生鐵肺肝
採薇甘死首陽山
乾坤不朽君臣義
萬古清風激懦頑

賀楊麟山生子晬日三首

眉目分明玉雪膚
只今寧止識之無
他時解事應無忘
湯餅筵中有老夫

爾父藏書萬卷餘
朝來為汝一掀髯
只今已解耽文字

能讀焉知不是渠

玉果犀錢與肆筵蘭湯初出氣軒軒試看拈動驚人坐
不是干戈即豆籩

招友人賞蓮二首

小圃來稀怯病身芙蓉空浸一池雲今朝忽動看花興
洗觥池邊只待君

池上紅雲映碧瀾草亭偏稱把杯看莫教一日蹉跎過
零落餘香空翠盤

陰雨連日阻賞蓮之約花事亦少歇矣復得一

絕速諸君子

我亦禪心悟色空石欄干畔倚微風從渠一夜都零落
要吸清香試碧筒

寄書京中故人

南北關河又隔年欲傳書札意茫然形容別後看將老
惟有迂疎只似前

湯君朝儀以菊一本見惠色甚佳用韻一首為

謝

一枝荷子贈孤妍
風致依稀似昔年
不用白衣醉元亮
只消清賞更悠然

元夕

六街燈火競喧喧
長笛短簫聲沸天
老子故無兒女態
一燈清焰稱高眠

題小畫雪景

朝來積雪欲沒脰
衝寒特特樵前林
東隣措大酒初熟

待爾煮魚茅屋深

書扇勉館生二首

誰是圖南孰草萊
男兒須擬出羣才
試將前哲依稀數
卿相何曾有種來

白日西飛東逝波
無聞吾已媿蹉跎
後生堪畏還堪惜
可使光陰只漫過

別故園

芳草淒淒思欲迷
雄蜂雌蝶各東西
殷勤獨有黃鸝好

送我終朝着意啼

出門

出門兒女各悲啼
去住那堪共別離
我有兩行珍重淚
無端今日亦雙垂

舟中對月示諸親友

月出空江霧影沉
一尊別酒更重斟
明年此夜清光在
應照相思兩地心

懷送別諸親友

谷陽城外短長亭斜日鶯啼酒半醒別語匆匆渾不記
兩言珍重獨分明

舟中偶書

擊楫中流鼓吹頻孤舟無計接芳塵請看同泊今宵者
也是前行得意人

晚泊

一葉扁舟晚泊時羈懷恰與景相宜月明如水江如鏡
何處漁人唱竹枝

寄家書

不盡鄉愁意萬分
匆匆無計挽行人
經時欲慰家人意
先把平安寫較真

懷友

斜日暉暉蕩客舟
落花飛盡水悠悠
故鄉回首蒼茫外
萬疊雲山一片愁

都下寄友人五首

蟠龍塘上草堂前
撼撼松楸暮雨天
茗盃爐薰對終夕

曾談往事各潛然

老去年來厭世情無邊歸思逐時生
蟠龍塘上菑畬好我欲歸來課僕耕

路入蟠龍屈曲成荒原依約近佳城
蘋汀蓼渚柴門月與子清宵來往行

東溪溪上樹交加瀟灑茅堂傍竹斜
何日歸來頻過子共嘗春笋摘枇杷

欲報君王轉覺難不堪意興漸摧殘
蟠龍塘上思歸隱

共子溪邊把釣竿

題李錦衣畫

斜日東風細柳營
薄寒初試越羅輕
太平時世無征戰
獨立轅門聽早鶯

託友置別墅二首

為藉仁賢擅一區
都將幽興樂耕魚
不妨更築深深屋
老去虞卿欲著書

求田問舍亦區區
世味年來嚼蠟如
任處溪山可投足

欲將踪跡近先廬

題馬氏孝感卷三首

有序

金陵馬氏刲股肉愈父病父病目禱茅山而
目亦隨愈其孝感有足多者故為賦此

天道誰云自杳冥須知孝行可通靈親安不在醫和術
只在兒心一念誠

私叩山靈百拜祈山靈應識寸衷微嚴親老眼今無恙
笑看兒孫戲綵衣

一念真能契上天似君篤行亦堪憐紛紛薄俗誰無父
聽我高歌孝感篇

寄楊伯清地官四首

百二河山拱上游渡頭潮涌集千艘公門長日清如水
時聽堦前吏報籌

理財經國吾儒事子去俄驚易歲年每向北來人問訊
儘多稱頌長官賢

傍市樓臺對日懸春風楊柳拂輕烟空庭吏散人聲靜

剩有餘閒理舊編

泱泱雲水渺通河南北冠裳日日過客至為誰頻倒屣
幽齋啜茗對清歌

碧雲寺泉亭二首

馬蹄隨意踏晴沙寶地諸天晝雨花試酌靈源已煩疾
不妨深坐梵王家

輕烟冉冉草侵沙野水橋邊一樹花忽憶江南思無那
綠陰深處是吾家

倩陳石亭作小園景三首

荒園數畝倚江郊
兩載夢思空鬱陶
我欲移來圖裡看
故煩陳子一揮毫

多才陳子今摩詰
筆底能開萬里山
試與小園加點染
即看生色動雲巒

古今人物何相遠
代往年徂迹故真
君試作圖傳異日
焉知不是輞川人

過獻縣水沒坡田蕩成巨浸
鳬鷗葭葦宛似江

南風景口占二十八字

搖落枯葭戰晚秋
浴鳬飛鷺兩悠悠
只疑身在江南地
卻上飄然一葉舟

沙河值雨小憩蔡老家偶述二首

平川斜日亂雲飛
密雨濛濛霽夕霏
賴有主人能款客
不教泥土污征衣

桑棗陰陰覆屋廬
門前時駐達官車
主人為愛元非俗
樓上欣看滿架書

題二色牡丹畫

妖白猩紅異澹濃
沉香亭北倚東風
爭妍欲賈三郎寵
韓虢梳妝各自工

讀邯鄲野老衛河謠小述三首

落日肩輿古道西
急風殘葉亂烏飛
入門剪燭郵亭上
細讀邯鄲野老詩

老人詩句不支吾
為泣民窮淚眼枯
何當錄上獻天子
便是當年鄭俠圖

天時人事互差池肉食誰知念阻饑不用觀風廣諮度
但看壁上老人詩

殷墟

風木蕭蕭落葉多牛羊日晚下平坡
狡童千載神遊處來聽當年麥秀歌

扁鵲墓

醫聖從聞術有神千年塚骨已飛塵
荒原落日西風裡猶有紛紛乞艾人

同襄陽守張士弘過習家池六首

襄陽傳得謫仙歌
江水無情落逝波
千古昔人行樂地
誰知今日我來過

風木蕭蕭落日曛
四山殘靄亂江雲
習家池上聊停節
一酌清泉對使君

習家池館漢江濱
長歲清泉蘸碧雲
時移事往人何在
今日風流屬使君

山翁醉倒習家池
歡飲兒童翁不知
今日使君情更別

只來啜茗賦新詩

習家池上野花開
昔日衣冠今草萊
為問漢江江上月
幾見山翁幾醉來

襄陽小兒歌復咻
笑道使君稀出遊
不是使君少風致
民艱誰識使君愁

林山驛小坐口號
三首初詠誤謂臨
水故復足之

地名臨水原無水
只有風塵撲馬鞍
却憶草堂三泖上

日臨苔石弄潺湲

門外清流漲碧深
更多林木貯秋陰
何處郵亭有如此
為我斯須淨客心

仰看雲鳥俯看魚
林下從來得自如
即教此地堪娛賞
敢廢王程一駐車

戲答降箕青蓮仙八首

瀛海茫茫不可期
令威千載再來時
神仙蹤跡誰能測
只有中天明月知

騎鯨人去幾千秋六合真成汗漫遊蓬萊閭苑何不住
更為人間歲月留

漢江江水故依然抱月猶疑水底眠可是耽詩餘習氣
更來灑翰任人傳

飛行八極藐三山萬里凌風劍氣寒往迹睠懷猶一日
每過襄郢故盤桓

鳳翥鸞翔揮彩毫天才千古仰詩豪湖湘此日抄傳遍
怪得新來紙價高

青蓮居士謫仙人風雅吾生仰後塵喜奉新詩如謦欬
更將明月認風神

欲問先生覓大還浮名絆我媿塵顏區中甲子頻驚換
自是仙家瞬息間

我厭浮名思碧山公離蓬島到人間若教換却輸公去
常與羣仙相往還

憶兒病

幾歲攜家住帝畿故園終日費心思無端今日襄江上

回首長安憶病兒

看打魚

江上觀魚倚釣灘
長風盡日蕩微瀾
好奇自是吾人僻
貪得魚鮮不顧寒

觀鷓鴣捕魚二首

畫舫開筵酒共傳
鷓鴣出水得魚鮮
莫教鼓吹驚飛去
立在灘頭不上船

一葉波心棹小航
鷓鴣沒水覓魚忙
舟人拍手相驚笑

銜得魚來尺許長

留別友人吳春洲六首

草閣銜盃記昔年仕途荏苒各風烟
天寒落日滄江上一笑相逢亦偶然

早歲相同萬里心到來踪跡亦浮沉
問君宦味今何似一片青氍得歲深

聽雨篷窗夜不眠焚香剪燭共談玄
因君忽憶脩文者回首當時一泫然

濫竊無能敢自欺一官君已負心期莫將踪跡論輕重
須看風波到岸時

寒夜空齋舊話長不知襄郢是他鄉王程忽漫還分手
明日思君又一方

把臂相看驚白頭鄉心日逐水東流故園松竹聞無恙
遲子相歸續舊遊

公署偶述

古署深深閉曲房客來不語對焚香從言寒日經簷短

無事閒中亦較長

郢城道中即事

茅屋叅差逐地成
高岡平隴見層層
若教竹木添蒙密
便是山陰道上行

客有歌李太白泛洞庭湖詩擬賦三首

嫋嫋秋風生白波
洞庭水深鴻鴈多
露華濕衣欲歸去
奈此滿天明月何

湖上風傳白苧歌
渚蒲汀柳共婆娑
與君賒取長沙酒

載將明月泛烟波

洞庭南去接瀟湘鴻鴈來時天雨霜目極湖心雲霧裡
只疑此處見英皇

併附家居泛白龍潭詩三首

湖上涼風兩袖生滿天星斗浸空明一葉扁舟隨所適
只疑今夜上天行

撼撼楓林啼亂鳥夜深漁浦傍菰蒲欲棹波心酌明月
隔岸懸燈有酒沽

海天空濶淨無雲
楓冷澄潭落葉聞
水北天南無限意
一杯今夕弔龍君

盧園雪中燕會二首

漢江江上看同雲
歲晚盧園雪片紛
未擬皇華歌折柳
且因地主倒芳樽

綺席名園爛飲時
翠盤妙舞逞腰肢
東皇未布青陽律
過客先歌白雪詩

邯鄲道中

銅雀臺荒烟草萋蛾眉如夢鳥空啼行人莫問當年事
漳水東流秋日西

書扇贈劉生子仁三首

君家素業梯雲術折取天香代有之聞道今秋花更好
期君為折最高枝

金粟曾聞月裡栽靈株一歲一花開嫦娥解惜不輕授
留取高枝待子來

我共君家日浮子同醉當年杏苑春期爾秋來攀桂後

明年還作探花人

宿功德寺二首

招提歲晚偶淹延
落木蕭蕭風色嚴
一榻和衣眠不穩
坐看明月度高檐

老去河山繫此心
上方鐘鼓坐來深
乘閒欲問無生偈
却憶當年支道林

碧雲寺泉亭

襄陽城頭金鼓鳴
襄陽城邊官吏迎
昨夜雙星明翼軫

道是文星又使星

習池遺跡自年年山老遺踪故宛然
昨者我經渾異昔
野花衰草鎖寒烟

龐孟當年隱者流鹿門月色幾春秋
子行今日尋遺跡
還有高人得似不

送張復庵大諫使韓藩四首

長安城下征馬嘶終南太乙閃旌旗
天府新頒周典禮
藩封再覩漢官儀

青瑣仙僚侍從臣
玉堂原是舊儒紳
飛章日下聲名重
奉勅天門氣色新

百二山河重古今
前人往迹尚堪尋
覽觀形勝四方志
開拓乾坤萬古心

通駟橋邊駟馬飛
羨君此去有光輝
宗藩快覩儒臣近
父老爭看衣錦歸

送陳元珍赴沙縣二尹陳曾預史局書寫二首
幾年筆札勞王事
此日除官山水鄉
劍浦先人有遺愛

可能一過奠椒漿

章程自是子諳知
民社如今亦有之
莫謂哦松堪了職
好將勤慎答明時

慈雲冉冉蔭虛亭
小有寒泉徹底清
不用老僧他作供
祇須一勺洗中局

香山來青軒

矗矗羣峰列畫屏
四時空翠落簷楹
青山與我皆無意
那得機心管送迎

洞口

洞口時時護白雲
莫教容易入紅塵
更須檢點桃花片
流出溪前惹世人

次張陽峰壁間韻

白日流雲走石沙
諸天隱隱落空花
一塵不到清虛境
羨爾山中老衲家

送朱文石太史奉使襄藩四首

漢水天潢引派長
古今形勝說襄陽
皇恩浩蕩乾坤大

龍詒輝煌日光

寶冊金章降聖朝
峴山襄水鬱昭境
襄江浪偃迎龍節
峴首雲開接使輶

武侯人物更誰同
千載南陽說卧龍
今日子行須大手
再鐫休烈重祠中

羊公碑石蘚痕多
遺愛應無跡漸磨
子行試剔荒苔看
尚有行人墮淚麼

贈潛江田侯赴夔州別駕六首

并序

昔予先君雪岑大夫仕沔陽有善政灼灼在
人耳目潛江於沔接壤田侯宗商以鄉貢筮
仕襄城亦著政績亟為當道推獎改佐淮安
有去思碑有遺愛祠田侯嘗頌先君之美夫
亦聞風而興起者乎今以服闋補授蜀之夔
州予辱識田侯於其行也作詩以贈之

潛江田子有時聞為政都非俗吏倫
勤職豈惟精訟牒
愛賢時復訪衡門

田侯德政著淮陰父老遺祠感慕深試看淮上今時月
曾照田侯往日心

田君才識下僚淹齷齪從教俗吏嫌都來民瘼誰勝任
盡付君家一力擔

誰能為政似田侯奏最曾聞荷眷褒今日徵書騰寵異
先教恩命賁林丘

恭承新命拜恩榮行色秋高白帝城舒江浪偃迎官舫
巫峽雲開見使旌

宦績從來盛蜀中
前有文翁後了翁
尋常俗吏非君事
政教須當繼古風

題畫

木落天空水作秋
懷人離思正悠悠
閒來攜取君山笛
吹出乾坤萬古愁

舟中偶作

一奉天書別故園
白雲遲我幾時還
欲知宦興今何似
試把連朝面貌看

淮河舟中送鄉人南還

淮流渺渺水增波
迢遞趨朝別思多
送爾南歸還羨爾
丹陽郭裡聽吳歌

舟中有懷張石川

江心話別意匆匆
舵轉盃停酒未終
忽漫去帆看不見
斜風細雨獨推篷

月下寶應湖舟行

湖上涼風向晚生
扁舟遙遡月華明
人家鷄犬無鳴吠

一路嘈嘈絡緯聲

送月空上人四首

一杖橫空鐵騎飛
海濱拏殺幾倭夷
幻看身世心如鐵
此是禪家第一機

慘淡乾坤動殺機
海邦經歲戰塵飛
功成今日還歸去
獨向山中補衲衣

一錫飄然似野雲
禪衣猶似帶征塵
公家將卒成何用
却教山僧立戰勛

雲山歸去掃烟蘿行役都忘歲月過盡斂從來雄烈性
蒲團終日禮彌陀

重午會客自慰

細縷菖蒲滿泛杯勸君樂飲莫辭推貼天風浪江湖裡
幾箇舟行得善回

與友人求竹本

老去歸來卧白雲誅茆端欲植蒼筠歲寒倚雪當論世

先君有
友竹軒

子有千竿合為分

送吳之山還姑蘇三首

踪跡江湖不憚勞，壯懷隨處託風騷。
即看上國遊觀去，會說東吳紙價高。

潞河東去水瀾瀾，綠滿汀洲草色齊。
客邸風塵留不得，江南春雨待君題。

野鶴浮雲絕繫牽，石田茅屋故多緣。
荷衣不帶京塵去，詩卷長留洛下傳。

王母蟠桃圖為中丞張明崖母夫人壽六首

指點蓬瀛東復東雲車風馬往來中
豫知王母霓旌降昨夜青禽有信通

鶴背扶搖九萬風眉山深處有仙宮
黃封攜得深杯獻人面蟠桃相映紅

沴氣纔消喜氣回高堂壽酒勸深杯
婺星已見聯南極執法還身接上台

高門世德有遺踪錦水靈山秀出公
老我無聞空碌碌却教慙媿憶先翁

讌喜堂中酒滿觴
膝前沾灑濕宮裳
平倭偉績全忠孝
我亦通家與有光

青鳥飛來道意真
江南已是太平民
還將讌喜稱觴酒
醺作乾坤大地春

賜金志感

有序

海寇作橫先廬被燬
適朝廷有賜金之頒
賜不以先廬故而可
為先廬助也感激之餘
粗成短句

病廢歸來軫聖心
干戈積歲老愁深
先廬燬盡兒孫在
自幸朝廷有賜金

張明厓中丞有惠代東謝

聖主恩深賜已餘
更叨大府惠何如
多脩善藥扶衰病
剩與兒孫助買書

題畫冊三首

青山矗矗水舒舒
想見郊原霽雨初
絕似三高亭上望
人家依約樹枝疎

青山澗底結陰陰
老大還無用世心
張洞西邊煮茶灶
山靈虛閉白雲深

江洲潮落雨初晴
獨坐蘭舟酒半醒
欲採芙蓉過江去
迢迢秋水數峰青



文簡集卷二十五

欽定四庫全書

集部

文簡集卷二十六

詳校官中書_臣葉元符

中書_臣劉源濟覆勘

總校官原任中允_臣王燕緒

校對官修撰_臣戴衢亨

謄錄監生_臣唐作梅

謄錄監生_臣沈立麟

欽定四庫全書

文簡集卷二十六

明 孫承恩 撰

詩餘

題畫四首

秦樓月

題鶴

長風發中宵
莽莽吹林樾
吹林樾疏翎
整翮思遊天
末
青山逸態真
奇絕九臯夢
想華亭月
華亭月一聲清
唳

海天空濶

點絳脣

題孔雀

桄榔雲深生來南國多珍麗翠花金羽反得為身累絃
管歌凝俛嘿含幽意秋風起雲山迢遞無計能飛去

生查子

題雁

江南澤國秋野水連天淨日落渚沙明霜老菰蒲冷欲
下復徘徊顧侶聲相應帶月渡銀塘照見雙棲影

卜算子

題鷹

斜日透疎林，慘慘郊原暮。猛氣雄心斂，莫施鬱鬱如舍。
怒紫塞暗秋雲，目斷陽臺路。會見拂拂搏九天，草莽空
狐兔。

百字令

壽夏桂洲閣
老和坡翁韻

林鍾律應又秋早

前五日
立秋

宵起試占雲物，箕昂呈祥燦

午夜南極光聯奎壁，浩渺江流。崔魏廬阜更皎潔瑤臺。

雪乾坤靈氣一時鍾，此人傑。此日壽域宏開，沉檀然獸

鼎瑞煙飄發，看雄據豪吟染霜紈。龍蛇飛滅。

桂洲是日
即席三詞

宮酒淋漓漸玉山微倚酡顏烏髮祝公遐算直同天上
明月

又

上天純佑為社稷生此中興人物巨器宏才更風流挺
立千尋絕壁冠世文章包人度量襟抱同冰雪試論今
日何人堪比奇傑還羨秉筆黃扉笑談機務了英猷橫
發仰止臯夔樹芳聲千古誰能磨滅退食逶迤開懷延
國士吐食握髮望公何似碧天永夜孤月

又和韻贈翟石門閣老

奇才間氣應不是三代後來人物學海文林曾覽盡禹
穴泰山魯壁星斗宵羅煙雲筆涌不擬賦梁園雪勛名
德望中朝共仰瓌傑此日位列三台從容弘化理佐天
生發雅範光儀媿顓蒙鄙吝為公消滅世路縱橫儘風
塵擾擾不侵毫髮碧潭秋水驪龍獨抱明月

瑞鶴仙

壽陸東湖
尊堂太君

薰風飄綺戶正景屬熙明節當重午高堂拱賢母看華

髮童顏又逢初度遙空昨夜燦南極輝聯寶婺壽筵開
雜遝笙歌古鼎沉檀烟吐爭覩有子英賢紆朱腰玉作
皇家心膂雲霄接武滿庭前蘭桂森如許綵絨新綰長
生縷曲按南飛舊譜待海籌一百添齊從頭再數

洞仙歌

次韻壽顧
太恭人

薰風解慍正葛衣輕透綺席初行爭獻酒有令子金帶
緋袍兩孫玉立沸笙歌共向北堂稱壽榮養誰能似屈
指春秋更六歲慈齡屆九最喜是孫曾保姆新擎娛老

眼男東女右近王母傳書已名注長生為報君知君須
信否

賀新郎

舟中值
重午

客路風塵惡嘆匆匆節臨重午不堪牢落却憶故園當
此日虛館朋儕對酌擬勝會追蹤河朔翹首帝都紅日
近望白雲親舍天寥廓腸欲斷心飄泊江心舊事流傳
昨我欲將興亡作鑑悃誠誰託惆悵靈均今已矣水底
英魂寂寞又誰辨醉醒清濁感事羈懷頻弔古撫乾坤

浩氣空盤薄歌短調發長嘯

賀新郎

六十初
度自壽

初度今朝又嘆匆匆年華逝水豈堪回首道老而今真是老花甲已週之候鍾鼎勒此生何有聖世虛叨風雲會春卿崇重慙虛謬只此志誓無負朝來獨把梅花嗅笑塵容落寞蕭條與花同瘦俯仰乾坤箕裘事喜有龍兒凝秀抱迂拙從來如舊欲把年籌重再數不知天意還從否聊自適且斟酒

洞仙歌

中秋無月
和徐少湖

廣寒宮冷望杳藍橋路無奈嬋娟被風妒駕長梯掃開
雲翳放出冰毬又祇恐海底驪龍抱住有良朋三五漫
倒芳尊且教遲回唱金縷洗梧桐露下衣袂生涼漏轉
層城未歸去已拚此度負佳期看明歲今宵會伊何處

又

十六夜
對月

銀蟾皎潔萬里清輝滿雲翳長風盡吹散想天公也自
知我昨夜無聊還賜與通宵尊前吟翫海門龍起立我

亦狂來醉舞婆娑影凌亂恐嫦娥笑我華髮蒼顏不悟
流光暗中換從言有月即中秋恁樂事賞心不須分判

樂府

附

清江引

篷窗聽雨
一十五首

篷窗雨來聲灑灑靜聽心神快持杯悵遠人厭世羞塵
埽吾將乘桴浮碧海

篷窗雨來人未寢早已知寒信暫借酒留春無奈霜堆
鬢蘭缸幽幽頻落燼

蓬窻雨來聲可數
灑壁還飄戶香醪且自斟佳句誰同賦
離愁黯然懷極浦

蓬窻悄然聞夜雨
淅瀝無時住飄蕭風送來倏忽還吹去
前溪水深添幾許

蓬窻雨聲長復短
半是風吹亂鷓鴣巫峽中杜宇瀟湘岸
平生壯遊今已懶

蓬窻雨來聲滴點
惹起情無限春風楊柳枝流水桃花片
我思美人南浦遠

蓬窻雨聲紛復整飄忽全無定頻添霜雪髭漸減風雲
興病來瘦容羞對影

蓬窻雨來鳴屋瓦良友同佳話浮生固有涯老健應無
價鏡中朱顏何處也

蓬窻雨聲鳴復絕

叶上

小酌消長夜聊將忘世紛且共耽

清暇人生百年誰是者

蓬窻雨餘還裊裊靜聽吾情好絃中山水音笛裡關山
調明朝小庭生碧草

蓬窻雨來聲漸響默坐心虛曠蕭蕭叢竹間簌簌梧桐
上灞陵蕭湘真髯髻

沉沉雨深當夜午爽氣浮軒戶情忘水竹居夢斷長安
路洗胃中從來塵與土

耳邊蕭蕭還裊裊風雨同時到前村烟花微遠寺鐘聲
杳可人不來添靜悄

蘭燈搖搖秋夜永淅瀝生清聽平添烟水深沈濯苔磯
淨朝來吾將乘釣艇

風聲雨聲連四野蕭散蓬窓下一杯聊自持萬慮無縈
掛長安道中泥沒馬

黃鶯兒

風

陣陣掃浮埃沉虞絃上楚臺飄颻蘭蕙吹羅帶殘雲捲
開明月送來趙家姊妹難禁耐透人懷千金無買宋玉
賦應裁

花

綽約見嬋娟
顫巍巍百種妍
慙多費東君剪
欲言不言端
詳可憐含顰凝思如幽怨
看嫣然春心無限
偎倚在晚風前

雪

萬里正同雲
看飄揚密更勻
素鸞皓鶴來無盡
灞橋苦吟梁園倒樽
藍關馬足行難進
轉續紛天寒地凜
粧出箇玉乾坤

月

冉冉上遙天散清輝滿大千霓裳縹緲清虛殿更籌正
傳玉人未眠欄杆十二凭來遍對嬋娟莫教雲掩我欲
醉西園

初度自壽

客中初度百感萃心中夜不寐戲填樂府數
闋雖調襲鄭聲而辭無鄙褻義歸雅正區區
本志備見於此錄寄故鄉親友亦有能諒我
者乎

中呂玉娥兒

即粉蝶兒

初度今朝燦祥光壽星高照寶鼎內自把香燒感親恩
歌帝德媿微軀難報逝水滔滔數年籌吾生已老

佳樂歌

即好事近

短髮日飄蕭鏡裡朱顏漸槁覽今懷古此生吾豈爪匏
憂心如擣撫乾坤世故多顛倒到如今雅志多違慙負
了地厚天高

赤顆桃

即石榴花

敢忘了當年鞠育恁劬勞過庭詩禮曾學

叶平

敢忘了聖

明作養濫與時髦詞林講幄忝貳春曹我則是素餐竊
位曾無効俯慙庸碌仰媿賢豪我則是寸心惟有天知
道長日裡翹首仰青霄

佳樂歌

迢遙千載看孤標門庭不惹塵囂家人稱壽吸霞觴沾
灑宮袍掀髯長笑記當年馳驟誇英妙媿踈慵老大無
聞漫說甚回銓壽夭

童子嬉

即奕孩兒

我也曾皇華將命馳南徼
保守着貞心雅操我也曾
言仰進荷恩褒陳道德比
軒堯我也曾兩番南北持
文柄為國拳拳簡俊髦
兢業慙微貌端的是一心
報主期不負清朝

促鳥音

即關鵪鶉

我不能淪淪卑卑我不能
軒軒矯矯岸烏紗白日高
懸捫丹心孤忠獨抱流行
坎止信吾遭景先哲究義
文利

名關豪傑都迷能幾箇邯鄲夢覺

滿庭芳

吾行潦倒疎慵成癖不任煎熬憶當年家食將寵辱都
拋草堂中聽雨坐深宵蓬窗下待月觀潮兀自揣玉階
金闕無緣到荷聖主垂仁用草茅因此上八座幸虛叨

三煞

享厚祿已餘饒只有箇終天一念忍聽風木悲號那更
屢多人一去音塵杳鵲鴒聲斷死生骨肉暗自魂消愁

緒千條兀的是一時湊着

青歌兒

恰便似驀地浮雲彌天不掃恰便似獨繭春蠶抽絲不
了并州剪剪不斷野草根苗展轉無聊回首迢迢心旆
搖搖顧影蕭蕭續世承桃嗣子知學叶有息垂髫膝下
痴嬌賢否何若叶難期料也只是把蒼天禱浮榮身外
從今日便可一筆勾銷

夕遊蝶

即撲
燈蛾

藩籬斥鷃翔鵬翼上扶搖任天機總是逍遙空花界那
有堅牢逞春風爭妍競耀霎時間水逝雲飄縱雙眸大
觀今古我則是無語首頻搔

步微樓

即上
小樓

鬢堆霜不可消日行天不可招望故國桑梓關心雲霄
倦翼江海歸橈寵辱之門盈虛之數行藏之道常言道
宦海風波到不如從吾所好

夕遊蝶

我則想投盟泉石我則想舒嘯林臯向三江把釣絲尋
五嶽去遊遨原是那野鹿山獐志本在長林茂草天壤
內真樂陶陶洗胃中從來冰炭百年事吾休問盡付與
兒曹

收音

茫茫宇宙何時了擺脫塵緣任所超萬里江天鴻鵠矯

文簡集卷二十六